

須溪先生校本唐王右丞集



據中國國家圖書館藏元刻  
本影印原書版框高十六  
三釐米寬十一釐米







須溪先生校本唐王右丞集目錄

第一卷

白鸚鵡賦

登樓歌

夷門歌

雙黃鸝歌送別

新秦郡松樹歌

青雀歌

同前

盧象諸公賦共四首

終南山歌

送友人歸山歌

二首

魚山神女祠迎神曲

送神曲

扶南曲歌詞

五首

隴頭吟

老將行

燕支行

從軍行

桃源行

隴西行

早春行

洛陽女兒行

少年行

四首

皇甫岳寫真讚

裴右丞寫真讚

白龜渦

黃雀癡

贈裴迪

榆林群歌

問寇校書雙溪





寄崇梵僧

宋進馬哀詞

第二卷

慶玄元像應制

蓬萊留春應制

上巳龍池春禊應制

望春池觀禊飲應制

幸山莊題石壁應制

登降聖觀應制

臨園亭賦詩應制

送朝集使歸應制

送不蒙歸江西應制

曲江侍宴應制

元夕燃燈應制

重陽上壽應制

賜史供奉宴應制

勤政樓侍宴應制

大同殿生玉芝

勅賜百官櫻桃

和前

賜宰臣歌應制

賜宰臣連珠詞應制

勅借岐王九成宮避暑應教

從岐王過楊氏別業應教

從岐王夜宴衛家山池應教

和尹諫議史館山池

和陳監思從第

和晉公扈從溫陽

和宋中丞

和賈舍人早朝

瓜園詩



同崔傅荅賢弟

同崔貞外秋霄寓直

十五夜游有懷

沈拾遺新生竹

不果遊東山別業

和使君望遠思歸

和常主簿溫湯寓目

和楊駙馬秋夜即事

訓諸公見過

訓蘇貞外過藍田

訓楊貞外宿琴臺

贈苑舍人

苑咸荅

并序

重訓苑郎中

并序

訓郭給事

訓嚴徐見過不遇

王寺日

三

九

慕容承携素饌見過

訓慕容上

訓張少府

喜祖三至留宿

祖諫荅

訓黎居士浙川作

訓賀四贈葛巾

訓故人張誼

荅張五弟

斐迪憶終南絕句

荅斐迪

第三卷

奉寄常太守

林園即事



寄河上段十六

寄荊州張丞相

山中寄諸弟妹

戲贈裴迪

宥罪拜官書意

贈從弟綽

贈薛璩慕容損

贈李頎

贈劉藍田

贈房盧氏琯

贈祖三詠

輞川閑居贈裴迪

春夜竹亭

錢起詠

贈東岳焦鍊師

贈常穆十八

戲贈張五弟諶三首

贈裴旻將軍

贈焦道士

贈吳官

對雪憶胡居士水

至滑州憶丁三

秋夜獨坐懷內弟

雪中憶李揖

胡居士卧病遺米

贈裴十迪

酌酒與裴迪

與胡居士

九日憶山東兄弟

華岳

藍田山石門精舍

山居秋暝



青溪

崔濮陽前山興

終南別業

皇甫岳雲溪雜題

五詩

第四卷

輞川集序

孟城坳

華子崗

文杏館

斤竹嶺

鹿柴

木蘭柴

茱萸泝

宮槐陌

臨湖亭

南垞

秋湖

柳浪

欒家瀨

金屑泉

白石灘

北垞

竹里館

辛夷塢

漆園

椒園

已上與裴迪各賦一首

歸嵩山作

歸輞川作



投師蘭若宿

常給事山居

輞川別業

山中示弟

戲題輞川別業

李處士山居

常侍却山居

山居即事

早秋山中作

戲題盤石

終南山

田園樂六言七首

田家

丁禹田家書贈

輞川閑居

積雨輞川莊作

春園即事

渭川田家

春中田園作

淇上即事田園

過盧真外宅

過李揖宅

過崔處士林亭

盧象諸公同賦三首

崔興宗谷

濟州過趙叟家燕

與盧象集朱家

過福禪師蘭若

飯覆釜山僧

謁璿上人 并序

墨壁上人兄院集 并序

王綰諸公同賦二首



秋夜對雨

晚春諸公見過

過嵩丘蘭若

過夔興上人山院

裴迪賦

夏日過青龍寺

裴迪賦

鄭果州相遇

訪呂逸人不遇

裴迪賦

春過賀真外藥園

過香積寺

過崔駙馬山池

嚴尹宿弊廬訪別

第五卷

送李太守任

送秘書丞監

送徐郎中

送李判官赴江東

送康太守

送陸真外

送封太守

送王尊師歸蜀

送崔五太守

送宇文太守

送嚴秀才還蜀

送李睢陽

送張判官赴河西

送岐州源長史歸

送綦母校書

送張道士歸山



送元二使安西

送六舅歸陸渾

送方尊師歸嵩山

送瑗公

崔興宗賦

送錢少府還藍田

留別錢起

送丘為往唐州

留別

送元中丞轉運江淮

送別

送張五歸山

齊州送祖三

送別

送崔九遊蜀

送崔九任安陽

送崔九

送綦毋潛太守

送李太守赴上洛

送從弟蕃遊湖南

送平淡然判官

送孫秀才

送常評事

送權二

送高道暉

送劉司直赴安西

送別

靈雲池送從弟

送趙都督赴代州

臨高臺送黎拾遺

送方城帝明府

送李負外賢郎



送梓州李使君

送楊少府貶彬州

送張五諫歸宣城

送友人南歸

送賀遂貞外外甥

送楊長史赴果州

送張舍人佐江州

送常大夫東京留守

送邢桂州

送宇文三赴河西

送別

資聖寺送甘二

送孫二

送崔三觀省

送沈子福江東

送丘為落第歸

王季日

九二〇八十一

留別溫古上人兄

觀別者

別弟縉

別輞川別業

又賦

別弟妹

別崔九弟

裴迪賦

留別崔興宗

別綦毋潛

新晴晚望

漢江臨汎

登辨覺寺

涼州郊外遊望

觀獵

遊感化寺



遊悟真寺

寒食城東即事

春日上方即事

遊韋卿城南別業

冬日遊覽

汎前破

遊李山人所居

遊方丈寺

登河北城樓

登裴迪小臺

第六卷

曉行巴峽

出塞

至黃牛嶺

被出濟州

王寺日

休假還舊業

早入滎陽界

寒食汜上

宿鄭州

千塔主人

使至塞上

渡河到清河

苦熱

納涼

濟上四賢詠

三首

偶然作六首

西施詠

李陵詠

燕子龕禪師

息夫人

班婕妤三首



一校本唐王右丞集卷第一

唐尚書右丞贈秘書監王維

白鸚鵡賦

名依西域族本南海同朱喙之清音變綠衣於  
惟茲鳥之可貴諒其美之斯在尔其入翫於人  
奇質狎蘭房之妓女去桂林之雲日易喬枝以  
代老巢以瓊室慕侶万遠依人永畢託言語而  
也顧形影而非匹經過珠網出入金鋪單鳴無應  
亦長孤偶白鷗於池側對皓鶴於庭隅愁混色而  
辨願知名而自呼明心有識懷思無極芳樹絕想  
梁撫翼時銜花而不言每投人以方息慧性孤巢  
容非飾含火德之明輝被金方之正色至如海燕  
呈瑞有玉筐之可依山鷄學舞向寶鏡而知歸皆羽  
七之偉麗奉日月之光輝豈憐茲鳥地遠形微色凌  
純質彩奪繒衣深籠夕閉喬木長遠儻見借其羽  
與遷鶯而共飛



登樓歌

君方高樓飛甍鱗次方在下俯十二兮通衢綠  
皇方車馬却瞻方龍首前眺方宜春王畿鬱方  
山河壯方咸秦舍人下方青宮據胡床方書空  
疲於下位老夫好隱方牆東亦幸有張伯英草  
龍騰蚪躍擺長雲方揆迴風琥珀酒方彫胡飯  
仰方日將晚秋風方吹衣夕鳥方爭返孤砧發  
城林薄暮方蟬聲遠時不可方再得君何爲方

三十一

二

夷門歌

雌...未分攻城殺將何紛紛秦兵益圍邯鄲  
收平原君公子爲羸傳駟馬執轡逾恭意  
繁肆鼓刀...羸乃夷門抱關者非但慷慨  
兼將身命酬向風刎頭送公子七十老  
重許不可易

燕歌送別

時爲節度使官在涼府



天路來兮雙黃鵠雲上飛兮水上宿撫翼和鳴  
族不得已忽分飛家在玉京朝紫微主人臨水送將  
歸悲笳嘹唳垂舞衣賓欲散兮復相依幾往返兮極  
浦尚徘徊兮落暉岸上火兮相迎將夜入兮邊城鞍  
馬歸兮佳人散悵離憂兮獨含情

新秦郡松樹歌

青青山上松數里不見今更逢不見君心相憶此心  
向君君應識爲君顏色高且閑亭亭迥出浮雲間

青雀歌

青雀翅羽短未能遠食玉山禾猶勝黃雀爭上下唧  
唧空倉復若何

同

盧象

啾啾青雀兒飛來飛去仰天池逍遙飲啄安涯分何  
假扶搖九萬餘

同

王縉

林間青雀兒來往翩翩繞一枝莫言不解銜環報但



問君恩今若爲

同

崔興宗

青巖繞青林  
翩翩陋體一微禽  
不應長在藩籬下  
地日凌雲誰見心

同

裴迪

動息自適性  
不曾妄與鸞雀羣  
幸忝鴛鴦早相識  
何時提攜致青雲

贈徐中書望終南山歌

王季一

四

晚下兮紫微  
悵塵事兮多違  
駐馬兮雙樹  
望青山兮不歸

送友人歸山歌 二首

山寂寂兮無人  
又蒼蒼兮多木  
群龍兮滿朝  
君何爲兮空谷  
文寡和兮思深  
道難知兮行獨  
悅石上兮流泉  
與松間兮草榮  
入雲中兮卷鷄  
上山頭兮抱犢  
神興棄兮如爪  
虎賣杏兮收穀  
愧不才兮妨賢  
嫌既老兮貪祿  
誓解印兮相從  
何詹尹兮何卜  
不用楚調自適目



前詞少而愈多尚真盤谷歌意爲九

山中人兮欲歸雲宜宜兮雨霏霏點景狀意水驚波色別

兮翠管靡白鷺忽兮翻飛君不可兮褰衣山万重兮

一雲混天地兮不分樹掩暖兮氛氲猿不見兮空聞

忽山西兮夕陽見東臯兮遠村平蕪綠兮千里眇悵

張兮思君宋玉之下淵明之上甚似晉人不知者以為氣短知者以為琴操之餘音也

魚山神女祠歌 二首

迎神曲

王壽

五

坎坎擊鼓魚山之下吹洞簫望極浦女巫巫進紛屣舞

陳瑤席湛清醕風淒淒兮夜雨神之來兮不來使我

心兮苦復苦

送神曲

紛進拜兮堂前日眷眷兮瓊筵來不語兮意不傳作

暮雨兮愁空山悲急管思繁絃靈之駕兮儼欲旋悵

雲收兮雨歇山青青兮水潏潏

扶南曲歌詞 五首



翠羽流蘇帳春眠曙不開羞從面色起嬌  
早向昭陽殿君王中使催

堂上青絃動堂前綺席陳  
蘇歌盧女曲巖舞洛陽人  
傾國徒相看寧知心所親

用得別

香氣傳空滿粧華影箔通  
歌聞天仗外舞出銜  
日暮歸何處花間長樂宮

宮女還金屋將眠復畏明  
入春輕衣好半夜  
拂曙朝前殿玉墀多珮聲

三十一

六

朝日照綺窻佳人坐臨鏡  
散黛恨猶輕插釵嫌未正  
同心勿遽遊幸待春粧竟

### 隴頭吟

長城少季遊俠客  
夜上戍樓看大白隴頭明月迫臨  
關隴上行人夜吹笛  
關西老將不勝愁  
駐馬聽之雙淚流  
身經大小百餘戰  
麾下偏裨万户侯  
蘇武經為典屬國  
節旄空盡

一作零落

海西頭

次第轉摺恨惋何限又非長篇所及

### 老將行



少季十五二十時步行奪取胡馬騎射殺山中白額  
虎肯數郝下黃鬚兒一身轉戰三千里一劍曾當日  
萬師漢兵奮迅如霹靂虜騎崩騰畏疾蕪衛青不敗  
由天幸李廣無功緣數奇自從棄置便衰朽世事蹉  
跎成白首昔時飛箭無全目今日垂楊生左肘路傍  
時賣故侯瓜門前李種先生柳茫茫古木連窮巷遠  
落寒山對虛牖登出誓令踈勒出飛泉不似潁川空  
使酒賀蘭山下陣如雲羽檄交馳日夕聞節使山河

王寺一

七

募季少詔書五道出將軍試拂鐵衣如雪色聊持宝  
劍動星文願得燕弓射天將耻令越馬鳴吳軍莫嫌  
舊日雲中守猶堪一戰立功勳起結嬌嫩  
復勝老語

燕支行

漢家天將才且雄來時謁帝明光宮萬乘親推雙闕  
下千官出戢五陵東誓碎甲第金門裏身作長城玉  
塞中衛霍繼堪一騎將朝廷不數貳師功趙魏燕韓  
多勁卒閩西俠少何咆嘯報讎只是聞嘗膽飲酒不



曾妨刮骨盡戰雕戈白日寒連旗大旆黃塵沒墨  
造翻瀚海波鳴笳亂動天山月麒麟錦帶佩吳鉤  
踏青驪躍紫駟拔劍已斷天驕臂歸鞍共飲月支頭  
漢兵大呼一當百虜騎相看哭且愁教戰須令赴湯  
火終知上將先伐謀

### 從軍行

吹角動行人喧喧行人起笳悲馬嘶亂爭渡金河水  
日暮沙漠垂戰聲烟塵裏及係名王頸歸來報天子

### 桃源行

王季一  
特年十九

魚舟逐水愛山 兩岸桃花夾去津坐看紅樹不知  
遠行盡青溪不見人山口潛行始隈隩山開曠望旋  
平陸遙看一處攢雲樹近入千家散花竹樵客初傳  
漢姓名居人未改秦衣服居人共住武陵源還從物  
外起田園月明松下房櫺靜日出雲中雞犬喧驚聞  
俗客爭來集競引還家問都邑平明閭巷掃花開薄  
暮漁樵乘水入初因避地去人間更問成仙遂不還



峽裏誰知有人事世上遙望空雲山不疑靈境誰聞  
見壁心未盡思鄉縣出洞無論隔山水辭家終擬長  
游衍自謂經過舊不迷安知峯壑今來變當時只記  
入山深青溪幾度到雲林春來遍是桃花水不辨源  
源何處尋

### 隴西行

十里一走馬五里一揚鞭都護軍書至匈奴圍酒泉  
關山正飛雪烽戍斷無烟

### 早春行

紫梅發初遍黃鳥歌猶澁誰家折楊女弄春如不及  
愛水看粧坐羞人映花立香畏風吹散衣愁露濡濕  
玉闥青門裏日落香車入游衍益相思含啼向綵帷  
憶君長入夢歸晚更生疑不及紅簷鷺雙栖綠草時

### 洛陽女兒行

時年十八

洛陽女兒對門居纔可顏容十五餘良人玉勒乘駿  
馬侍女金盤膾鯉魚畫閣朱樓尽相望紅桃綠柳垂



信向羅帷送上七香車。寶扇迎歸九華帳。狂夫富貴  
在青春。意氣驕奢劇季倫。自憐碧玉親教舞。不惜珊瑚  
持與人。春蔥曙滅九微火。九微片片飛花璫。戲罷  
曾無理由時粧。成祇是薰香坐。城中相識盡繁華。日  
夜紐過趙李家。誰憐越女顏如玉。貧賤江頭自浣沙。

少季行

四首

新豐美酒斗十千。咸陽遊俠多少年。相逢意氣爲君  
飲。繫馬高樓垂柳邊。

三十一

出身仕漢羽林郎。初隨驃騎戰漁陽。孰知不向邊庭  
苦。縱死猶聞俠骨香。

好

一身能擘兩雕弧。虜騎千重只似無。偏坐金鞍調白  
羽。紛紛射殺五單于。

漢家君臣歡宴終。高議雲臺論戰功。天子臨軒賜侯

印。將軍佩出光明宮。

皇甫岳爲真讚

有道者古其神。則清雙眸朗暢。四氣和平。長江小



大華松聲周而不器獨也難名且未婚嫁猶結誓纓  
燒丹藥就辟穀將成雲漢之下法本無生

裴右丞寫真讚

澹爾清德居然素風氣和容歛心靜如空智以窮理  
才包至公大盜振駭羣臣困蒙忘身徇節歷險能通  
仁者之勇義無失忠凝情取像惟雅則同粉繪不  
清明在躬麟閣之上其誰比崇

白鼈渦

雜言是筆

南山之瀑水兮激石瀉瀑似雷驚人相對兮不聞語  
聲翻渦跳沫兮蒼苔濕蘚老且厚春草爲之不生獸  
不敢驚動鳥不敢飛鳴白鼈渦濤戲瀨兮委身以縱  
橫主人之仁兮不網不釣得遂性以生成

黃雀癡

黃雀癡黃雀癡謂言青鵲是我兒一一口銜食養得  
成毛衣到大啁啾解游颺各自東西南北飛薄暮空  
巢上羈雌獨自歸鳳凰九鷗亦如此慎莫愁思顯頽



頊容輝

贈裴迪

雜言

不相見不相見來久日日泉水頭常憶同携手攜手  
本同心復歎忽分襟相憶今如此相思深不深

榆林群歌

山頭松栢林山下泉聲傷客心千里万里春草色黃  
河東流流不息黃龍戍上遊俠兒愁逢漢使不相識

問寇校書双溪

王手一

十一

君家少室西爲復少室東別來幾日今春風新買双  
溪定何似餘生欲寄白雲中

寄崇梵僧

崇梵僧崇梵僧秋歸覆金春不還落花啼鳥紛紛亂  
澗戶山窻寂寂閑峽裏誰知有人事郡中遙望雲山

宋進馬哀詞

并序

宋進馬者中書舍人宋公之子也公無弟兄子一而  
已文則有種德亦惟肖忽疾倏逝醫不及視宋公哀



之他人悲之故為詞曰

背春涉夏兮衆木藹以繁陰連金華與玉堂兮宮閣  
鬱其沈沈百官並入兮何語笑之啞啞君獨靜嘿以  
傷心草王言兮不得辭我悲減思兮少時僕夫命為  
兮出階闔歷遠陌上人兮如故識不識兮往來眼中  
不見兮吾兒驂紫駟兮從青驪低光垂彩兮恍不知  
其所之闢朱戶兮望華軒意斯子兮候門忽思瘞兮  
城南心瞽亂兮重昏仰訴天之不仁兮家唯一身身

止一子何胤嗣之不繁就筆歎而又死將清白兮遺  
誰問詩禮兮已矣哀從軍兮不可勝豈暇料餘生兮  
復幾日黯黯兮頽暉詩不返  
疑有日兮來歸靜言思詩能聽於吾師  
乎之者曰觀未始兮有物同委蛇兮胡悲且死陵兮  
未至况西河兮不知學無詩能聽於吾師

須溪先生校本唐王右軍集卷之二



顏延之先生校本唐右丞王維集卷第二

唐尚書右丞贈秘書監王維

奉和 聖製慶玄元皇帝王像之作應制

明君夢帝先寶命上齊天  
秦石徒聞樂周王耻卜年  
玉京移大像金籙會羣仙  
承露調天供臨空啟御筵  
斗廻迎壽酒山近起爐煙  
願奉無爲化齊心學自然

奉和 聖製從蓬萊向興慶閣道中留春雨

中春望之作應制

渭水自縈秦塞曲黃山舊遶漢宮斜  
鑿輿迥出仙門柳閣道廻看  
上苑花雲裏帝城雙鳳闕  
雨中春樹萬人家爲乘陽氣行時  
令不是宸遊重物華

奉和 聖製與太子諸王三月三日龍池春

禊應制

故事修春禊新宮展豫遊  
明君移鳳輦太子出龍樓  
賦掩陳王作盃如洛水流  
金人來捧劍畫鷁去廻舟  
苑樹浮宮闕天池照苑旒  
宸章在雲漢垂象滿皇州



奉和 聖製上巳於望春亭觀禊飲應制

長樂青門外宜春小苑東樓開万户上輦過百花中  
畫鷁移仙妓金貂列上公清歌邀日落妙舞向春風  
渭水明秦甸黃山入漢宮君王來袂褰灞滻亦朝宗

奉和 聖製幸玉宵公主山莊因題石壁十

韻之作應制

碧落風煙外瑤臺道路賒如何連帝苑好語別自有仙家

北地迴銜駕綠溪轉翠華洞中閑日月二慮裏發雲霞

王季二

庭養冲天鶴溪留上漢查種田生白玉二汲竈化丹砂

谷靜泉逾響山深日易斜御羹和石髓香飯進胡麻

大道今無外長生詎有涯還瞻九霄上來往五雲車

奉和 聖製登降聖觀與宰臣等同望應制

鳳袞朝碧落龍圖耀金鏡維岳降二臣戴天臨万姓

山川八校滿井邑三農竟比屋皆可封誰家不相愛

林疎遠村出野曠寒山靜帝城雲裏深渭水天邊映

喜氣含風景頌聲溢歌詠端拱能任賢二章聖君服



奉和 聖製御春明樓臨右相園亭賦樂賢

詩應制

複道通長樂青門臨上路遙聞鳳吹喧  
閣識龍輿度  
宸旒明四目伏檻紆三顧小苑接侯家  
飛甍映宮樹  
商山原上碧滄水林端素銀漢下天章  
瓊筵承湛露  
將非富氏寵信以平戎故從來簡帝心  
詎得廻天步

奉和 聖製暮春送朝集使歸郡應制

萬國仰宗周衣冠拜冕旒玉乘迎大客  
金節送諸侯

三寺二

三

祖席傾三省褰帷向九州楊花飛上路  
槐色蔭通溝  
來預鈞天樂歸分漢主愛宸章類河漢  
垂象滿中州

奉和 聖製送不蒙都護兼鴻臚卿歸安西應制

上卿增命服都護揚歸旆雜虜尽朝周  
諸胡皆自郤  
鳴笳濟海曲按節陽關外落日下河源  
寒山靜秋塞  
萬方氛祲息六合乾坤大無戰是天心  
天心同覆載

三月三日曲江侍宴應制

萬乘親齊祭千官喜豫遊奉迎從上苑  
祓禊向中流



草樹連容衛山河對冕旒畫旗搖浦溆春服滿汀洲  
仙樂龍媒下神華鳳跡留從今億萬歲天寶紀春秋

奉和 聖製十五夜燃燈繼以酌宴應制

上路笙歌滿春城漏刻長遊人多晝日明月談燈光  
魚鑰通翔鳳龍輿出建章九衢陳廣樂百福透名香  
仙妓來金殿都人選玉堂定應偷妙舞從此季新粧  
奉引迎三事司儀列万方願將天地壽同以獻君王

奉別 聖製重陽節宰臣及群官上壽應制

主事二

甲

四海方無事三秋大有年百生逢此日萬壽頌齊天  
芍藥和金鼎茱萸插玳筵玉堂開右个天樂勤宮懸  
御柳踈秋景城鴉拂曙煙無窮菊花節長奉栢梁篇

奉和 聖製賜史供奉曲江宴應制

侍從有鄒枚瓊筵就水開言陪栢梁宴新下建章來  
對酒山河滿移舟草樹迴天文同飛日駐景惜行盃  
三月三日勤政樓侍宴應制

綵仗連宵合瓊樓拂曙通年光三月裏宮殿百花中



不數秦王日，誰將洛水同。酒筵嫌落絮，舞袖怯春風。  
天保無爲德，人歡不戰功。仍臨九衢宴，更達四門聰。  
大同殿生玉芝，龍池上有慶雲。百官共覲，  
睨恩便賜宴樂，敢書郎事。

欲笑周文歌宴錦，遙輕漢武樂橫汾。豈如玉殿生三  
秀，詎有銅池出五雲。陌上堯樽傾北斗，樓前舜樂動  
南薰。共歡天意同人意，萬歲千秋奉聖君。

勅贈百官櫻桃

時爲文部郎中

芙蓉扇下會千官，紫禁朱櫻出上蘭。總是寢園春燕  
後，非關御苑鳥銜殘。歸鞍競帶青絲籠，中使頻傾赤  
玉盤。飽食不須愁內熱，大官還有蔗漿寒。

和

右補闕崔興宗

未央朝謁正逶迤，天上櫻桃錫此時。朱實初傳九華  
殿，繁枝舊雜萬年枝。未勝晏子江南橘，莫比潘家大  
谷梨。聞道令人好顏色，神農本草自應知。

奉和 聖製天長節賜宰臣歌應制



大陽外考照萬方開階闔兮臨玉堂儼冕旒兮垂衣  
裳金天淨兮麗三光彤庭曙兮延八荒德合天兮禮  
神遍靈芝生兮感雲見唐堯后兮稷禹日匝宇宙兮  
華胥人盡九服兮皆四鄰乾降瑞兮坤獻珍

奉和 聖製聖札賜宰日連珠詞五首應制

時為庫部員外

日聞大明馭萬天地同符間氣佐時君日協德故千  
年聖主唐帝撫其寶圖七德諸侯周公為之元老

日聞有其才者効其職重其任者竭其能故樂播大  
風乃能調四氣身騎列宿於是運三光

日聞先天不遠德合於上事君盡力功濟於下故君  
日同體於大道慶人以康億兆宅心於至仁萬邦固  
日聞形之端者景必隨焉聲之善者響必應焉故偃  
武修文皇天降之善氣薄賦省役后土報以豐年

日聞宣至理者文懸於日月表朕言者字動之以煙  
雲故虞舜作歌徒施於典樂以義畫卦未類於昭回



勅借岐王九成宮避暑應教

帝子遠辭丹鳳闕。天書遙借翠微宮。隔窻雲霧生衣  
上卷慢山泉入鏡中。林下水聲喧語笑。巖間樹色隱  
房櫺。仙家未必能勝此。何事吹笙向碧空。

從岐王過楊氏別業應教

楊子談經所。淮王載酒過。興闌啼鳥換。坐久落花多。  
逕轉迴銀燭。林開散玉珂。嚴城時未啓。前路擁笙歌。  
從岐王夜讌衛家山池應教

座客香貂滿。宮娃綺幔張。澗花輕粉色。山月少燈光。  
積翠紗窓暗。飛泉繡戶涼。還將歌舞出。歸路莫愁長。

和尹諫議史館山池

雲館接天居。霓裳侍玉除。春池百子外。芳樹萬年餘。  
洞有仙人錄。山藏大史書。君恩深漢帝。且莫上空虛。

和陳監四郎秋雨中思從弟掾

嫋嫋秋風動。淒淒煙雨繁。聲連鵲觀色。暗鳳凰原。  
細柳疎高閣。輕槐落洞門。九衢行欲斷。萬井寂。



忽不愁霖唱更陳多靈言平原思令弟康樂誰  
逆興方三接衰顏強七奔相如今老病歸守茂陵園

和僕射管公扈從温湯 時為右補闕

天子幸新豐狂旗渭水東寒山天仗裏温谷幔城中  
奠玉羣仙坐焚香大一宮出遊逢牧馬罷獵有非雄  
上宰無為化明時大古同靈芝三秀紫陳粟萬箱紅  
王禮尊儒教天兵小戰功謀猷歸哲匠詞賦屬文宗  
司諫方無闕陳詩且未工長吟吉甫頌朝夕仰清風

和宋中丞夏日遊福賢觀天長寺 即陳丞相所施之作

已相教王國空餘尚父溪釣磯開月殿築道出雲梯  
積水浮香象深山鳴白鷄虛空陳妓樂衣服製虹霓  
墨點三千界丹飛六一泥桃源勿遽返再訪恐君迷

和賈舍人早朝大明宮之作

絳幘雞人送曉籌尚衣方進翠雲裘九天閭闔開宮  
殿萬國衣冠拜冕旒日色纔臨仙掌動香煙欲傍衣  
龍浮朝罷龍須裁五色詔珮聲歸向鳳池頭



瓜園詩 并序

維瓜園高齋俯視南山形勝二三時輩同賦是詩兼  
命詞英數公同用園字為韵在多少時天子司議郎  
薛瑒發此題遂同諸公云

余適欲鋤瓜倚鋤聽四門鳴騶導驄馬常從夾朱軒  
窮巷正傳呼故人儻相存攜手追涼風放心望乾坤  
藹藹帝王州宮觀一何繁林端出綺道殿頂搖華幡  
素懷在青山若值白雲屯廻風城西雨返景原上村  
前酌盈樽酒往往間清言黃鸝轉深木朱槿照中園  
猶羨松下客石上聞清猿

同崔傅荅賢弟

洛陽才子姑蘇客杜宛殊非故鄉陌九江楓樹幾回  
青一片揚州五湖白揚州時有下江兵蘭陵鎮前吹  
笛聲夜久人歸富壽郭秋風鶴唳石頭城周郎陸弟  
為儔侶對舞前溪歌白紵曲札書留小史家草堂暮  
賭山陰豎衣冠若話外臺官先數夫君席上珍更聞







同盧拾遺帝給事東山別業二十韵給事首  
春休沐維已陪遊及乎是行亦預聞命會每  
車馬不果斯諾

託身侍雲陛昧早趨華軒遂陪鴻鴻侶霄漢同飛  
君子垂惠顧期我於田園側聞景龍際親降南面  
萬乘駐山外順風祈一言高陽多變龍荆山負璽  
盛德啓前烈大賢鍾後昆侍郎文昌宮給事東掖垣  
謁帝俱來下冠蓋盈丘樊闔風首邦族庭訓延鄉村

采地包山河樹共竟川原巖端廻綺檻谷口開朱門  
峯首雲中瀑水源鳴玉滿春山列筵先朝曙  
珮踏擊鐘弥朝昏是時陽和節清畫猶未喧  
深嚶嚶鳥聲繁顧已負宿諾延頓顛芳蕊  
交步守窮巷高駕難攀援素是獨往客脫冠情弥  
和使君五卽西樓望遠思歸

高樓望所思目極情未畢枕上見千里想中窺  
悠悠長路人曠曠遠郊日惆悵極浦外迢遞孤



才思歸同下秋故鄉不可見雲水空

和火常帛主簿五郎溫湯寓目

漢主離宮波靈臺秦川一半夕陽開青山盡是生  
繞碧欄翻從三殿來新豐樹裏行人度小苑城邊  
騎回聞道甘泉能獻賦懸知獨有三雲

奉和楊駙馬六郎秋夜郎事

高樓月似霜秋夜鬱金堂對坐強盧女同看舞鳳  
少兒多送酒小玉更焚香結束平陽騎明朝入建章

酬諸公見過

四言 時官出在朝川莊

今未喪哀此孤生屏居藍田薄地躬耕歲晏輸  
以奉梁盛晨往東臯草露未晞暮看煙火負擔來  
我聞有客足掃荆扉簞食伊何副瓜瓠亦仰厠  
儲然一老媿無筦輦班荆席藁汎汎登陂折彼  
淨觀素廟俯映白沙山鳥忽飛口隱輒霞登車  
候忽雨散雀噪荒村雞鳴空館還復幽獨重欷  
酬虞部蘇員外過藍田別業不見留之作



溪山一帶水帶荒村石路在廻駕山家

野火燒寒原唯有白雲外疎鐘

刻北部揚真外暮宿琴臺朝跡書閣率

贈之作

曾述聖鳥鳴溪月彈桃源迷漢姓松樹有秦

歸人少青山昔日寒羨君樵隱處遙望白雲端

告人能書梵字兼達梵音皆曲盡其妙戲

為之贈

滿公專才子為郎典石渠蓮花法藏心懸

手自書梵詞共許勝揚馬梵字何人辯

至在三事願君莫厭承明廬

并序

嘗學夫竺書有戲題見贈然王兄當

津瑤柱探知音形於雅作輒走筆以訓

因而嘲及

今從天華省仙郎且悟樺三點成伊猶有



想一觀如妾自忘筆爲文已變當所體入用還推閣  
氣賢應同羅漢無名欲故作馮唐老歲年

重訓苑郎中

并序時爲庫部員外

須輒奉贈忽枉見訓叙末云且久不遷因而嘲及詩  
落句云應同羅漢無名欲故作馮唐老歲年亦解嘲  
之類也

何幸含香奉至尊多勳未報主人恩草木豈能酬兩  
露紫栢安敢問乾坤仙郎有意憐同舍丞相無私斷  
掃門揚子解嘲徒自遣馮唐已老復何論

訓郭給事

近門高閣霽餘輝桃李陰陰柳絮飛禁裏踈鍾官舍  
晚省中啼鳥吏人稀晨搖玉珮趨金殿夕奉天書拜  
頊闈強欲從君無那老將因病解朝衣

訓嚴少尹徐舍人見過不遇

公門暇日少窮巷故人稀偶值乘藍輦非關避白衣  
不知炊黍否誰解掃荆扉君但瀕茶碗無妨騎馬歸



慕容承勳素饌見過

紗帽烏皮兒閑居懶賦詩門看五柳識年弄六身知  
靈壽君王賜彫胡弟子炊空勞酒食饌特底解人頤

訓慕容上

行行西陌返駐爐問車公挾轂双官騎應門五尺僮  
老年如塞北強起離牆東爲報壺丘子來人道姓家

訓張少府

晚年唯好靜万事不關心自顧無長策空知返舊林

三十一

十五

松風吹解帶山月照彈琴君問窮通理漁歌入浦深

喜祖三至留宿

門前洛陽客下馬拂征衣不枉故人駕平生多掩扉  
行人返深巷積雪帶餘暉早歲同袍者高車何處歸

答

祖詠

四季不相見相見復何爲握手言未畢却令傷別離  
升堂還駐馬酌醴便呼兒語嘿自相對安用傍人知

訓黎居士浙川作

曇壁上人院走筆成



漢家真箇去公定隨僕去着處是蓮花無心變楊柳  
松蘿藏藥裏石唇安茶臼氣味當共知那能不攜手  
謝賀四贈葛巾之作

野中傳惠好茲賦重兼余嘉此幽栖物能齊隱吏心  
早朝方暫挂晚沐復來簪坐竟踞塵遠思君共入林  
故人張誣工詩善易卜兼能丹青草隸頃以  
詩見贈聊獲酬之

不逐城東遊俠兒隱裘紗帽坐彈碁蜀中夫子時開

三十一

六

卦洛下書生解詠詩藥欄花逕衙門裏時復據梧聊  
隱几屏風誤點惑孫郎團扇草書輕內史故園高枕  
度三春永日垂帷絕四隣自想藜藿今已老更將書  
籍與何人

荅張五弟 雜言

終南有茅屋前對終南山終年無客長閉關終日無  
心長自閑不妨飲酒復垂釣君但能來相往還

輞口遇雨憶終南山因獻絕句 裴迪



積雨晦空曲平沙滅浮彩朝水去悠悠南山復何在

苔裴迪

○ 霖寒流廣蒼蒼秋雨晦君問終南山知白雲外

須溪先生校本唐王右丞集卷第二

三十一

積雨晦空曲平沙滅浮彩朝水去悠悠南山復何在  
霖寒流廣蒼蒼秋雨晦君問終南山知白雲外  
須溪先生校本唐王右丞集卷第二



須溪先生校本唐右丞集卷第三

唐尚書右丞贈秘書監王維

奉寄常太守

萊城自蕭索萬里山河空天高秋日迥  
嘹唳聞歸鴻  
寒塘映衰草高館落疎桐  
臨此歲方晏  
觀景問悲翁  
故人不可見寂寞平林東

林園即事寄舍弟統

寓目一蕭散消憂莫俄頃  
青草雨澄波白雲移翠嶺  
後浦通河渭前山包鄆郢  
松含風裏聲花對池中影  
地多齊右瘡人帶荆州瘴  
徒思赤筆書詎有丹砂井  
心悲常欲絕髮亂不能整  
青簞日何長閉門晝方靜  
頽思茅簷下弥傷好風景

寄河上段十六

與君相見即相親聞道君家在孟津  
爲見行舟試借問客中時有洛陽人

容易尽情  
舊未有此

寄荊州張丞相



所思竟何在，悵望深荆門。幸此無相識，終身思舊恩。  
方將去農圃，藝植孝丘園。目盡南飛鳥，何由寄一言。

山中寄諸弟妹

山中多法侶，禪誦自爲群。城郭遙相望，唯應見白雲。  
聞裴秀才迪吟詩，因戲贈

猿吟一何苦，愁朝復悲夕。莫作巫峽聲，腸斷秋江客。  
既蒙宥罪旋復拜官，伏感聖恩，竊書鄙意，兼  
奉簡新除使君等諸公

忽蒙漢詔還冠冕，始覓敷王解網羅。日比星明猶自  
暗，非天齊聖壽未云多。花迎喜氣猶能笑，鳥識歡心  
亦解歌。聞道百城新佩印，還來雙闕共鳴珂。

贈從弟司庫負外綵

少季識事淺，強李干名利。徒聞躍馬年，苦無出人智。  
即事豈徒言，累官非不試。既寡遂性歡，恐招負時累。  
清冬見遠山，積雪凝蒼翠。皓然出東林，發我遺世意。  
惠連素清賞，夙語塵外事。欲緩攜手期，流年一何駛。



座上走筆贈薛瑛慕容損

希世無高符絕跡有卑棲君徒視人文吾固和天倪  
緬然萬物始及與群物齊分地依右稷用天信重  
春風何豫人令我思東溪草色有佳意花枝稍含  
更待風景好與君藉萋萋

贈李頎

聞君餌丹砂其有好顏色不知從今去幾時生羽翼  
王母翳華芝望尔崑崙側文螭從赤豹萬里方一息  
悲哉世上人甘此臞腥食

贈劉藍田

籬中大犬迎吠出屋候柴扉歲晏輸井稅山林人夜歸  
晚田始家食餘布成我衣詎肯無公事煩君問是非

贈房盧氏瑒

達人無不可忘已愛君生豈復小千室絃歌在四鄰  
浮人日已歸但坐事農耕桑榆餘相望邑里多雞鳴  
秋山一何淨蒼翠臨寒城視事兼偃臥對書不羨纓



蕭條人吏跡。鳥雀下空庭。鄙夫心所向。晚節異平生。  
將從海岳居。守靜解天刑。或可累安邑。茅茨君試營。

贈祖三詠

濟州官舍作

蟪蛄挂虛牖。蟋蟀鳴前除。歲晏涼風至。君子復何如。  
高館聞無人。離居不可道。閑門寂已閉。落日照秋草。  
雖有近音信。千里阻河關。中復客汝潁。去年歸舊山。  
結交二十載。不得一日展。貧病予既深。契闊余不淺。  
仲秋雖未歸。暮秋以爲期。良會詎幾日。終自長相思。

韜川閑居贈裴秀才迪

寒山轉蒼翠。秋水日潺湲。倚仗柴門外。臨風聽暮蟬。  
渡頭餘落日。墟里上孤煙。復值接輿醉。狂歌五柳前。

類以無情之景。亦無情之章。復非作者所自。

春夜竹亭贈錢少府歸藍田

夜靜群動息。時聞隔林犬。却憶山中時。人家澗西遠。  
羨君明發去。采蕨輕軒冕。

謝前

錢起



山月隨客來，主人興不淺。今宵竹林下，誰覺花開遍。  
惆悵曙鶯啼，孤雲還絕巘。甚下

贈東岳焦練師

先生千歲餘，五岳遍曾居。遙識齊侯鼎，新過王母廬。  
不能師孔墨，何事問長沮。玉管時來鳳，銅盤即釣魚。  
竦身空裏語，明目夜中書。自有還丹術，時論大素初。  
頻蒙露版詔，時降軟輪車。山靜泉逾響，松高枝轉疎。  
支頤問樵客，世上復何如。

王詩三

五

贈常穆十八

與君青眼客，共有白雲心。不向東山去，日令春草深。

淡淡有情

戲贈張五弟諱 二首

吾弟東山時，心尚一何遠。日高猶自臥，鐘動始能起。  
不心其人 額上髮未梳，牀前書不卷。清川與悠悠，空林  
直向蒼苔 對偃蹇。青苔石上淨，細草松下軟。窻外鳥聲閑，階前  
虎心善。茫然萬像多，澹尔大虛緬。一知與物平，



為人淺對君忽自得淨念不煩遣

張弟五車書讀書仍隱居染翰過草隄賦詩輕子虛  
閉門二室下隱居十年餘宛是野人也時從漁父  
秋風日蕭索五柳高且疎望此去人世渡水向吾廬  
歲晏同攜手只應君與予

設且守龜兔垂鈎伺游鱗此是安口腹非關慕隱淪  
吾生好清靜蔬食去情塵今予方豪蕩思為鼎食人  
我家南山下動息自遺身入鳥不相亂見獸亦相親  
雲霞成伴侶虛白侍衣巾何事須夫子邀予谷口真  
贈裴旻將軍  
腰間寶劍七星文臂上瑠弓百戰勳見說雲中擒孽  
虜始知天上有將軍

贈焦道士

海上遊三島淮南預八公坐知千里外跳向一壺中  
清縮地朝珠闕行天使玉童飲人聊割酒送客  
素可貴下分風奇天老能行氣吾師不養空壽謝君徒住



無可問鴻濛好

贈吳官

長安客舍熱如煮無箇茗糜難御暑空搖白團其諦  
吾欲向縹囊還歸旅江鄉鯖鮓不寄來秦人湯餅那  
堪許不如儂家任挑達草屨螭蝦富春渚

冬晚對雪憶胡居士水

寒更傳曉碧清鏡覽衰顏隔牖風驚竹閉門雪滿山  
洒空深巷靜積素廣庭閑借問袁安舍備然尚閉關

至滑州隔河望黎陽憶丁三寓

隔河見桑柘藹藹黎陽川望望行漸遠孤峯沒盡煙  
故人不可見河水復悠悠賴有政聲遠時聞行政傳

秋夜獨坐懷內弟崔興宗

夜靜群動息蟋蟀聲悠悠庭槐北風響昔日夕方高秋  
思子整羽翮及時當雲濤吾生將白首歲晏思滄洲  
高足在旦暮肯爲南敏儔

雪中憶李梅

雜言



積雪滿阡陌故人不可期  
長安千門復萬戶何處  
踪黃金鷄

胡居士卧病遺米因贈

了觀四大因根性何所有  
妄計苟不生是身孰休咎  
色聲何謂客陰界復誰守  
徒言蓮花日豈惡揚枝肘  
既飽香積飯不醉聲聞酒  
有無斷常見生滅幻夢受  
即病即實相趨空定狂走  
無有一法真無有一法垢  
居士素通達隨宜善斗擻  
牀上無繩卧鋪中有瑞否  
齋時不乞食定應空噉口  
聊持數斗米且救浮生取

贈裴十迪

風景日夕佳與君賦新詩  
澹然望遠空如意方寸願  
春風動百草蘭蕙生我籬  
曖曖日暖閨田家來鈔詞  
欣欣春還舉淡淡水生陂  
桃李雖未開黃萼病其枝  
請君理還策敢告耕農時

酌酒與裴迪

酌酒與君君自寬  
人情翻覆似波瀾  
白首相知猶按



剡水門先達笑彈冠草色全經細雨濕花枝欲動春  
風寒世事浮雲何足問不如高卧且加餐

與胡居士皆病寄此詩兼示學人

二首并志蘇

一興微塵念橫有朝露身如是觀蔭界何方置我人  
礙有固為主趣空寧捨賓洗心詎懸解悟道正迷津  
因愛果生病從貪始竟貧色聲非彼妄浮幻即吾真  
四達竟何遣方殊安可塵胡生但高枕寂寞與誰憐  
戰勝不謀食理齊甘負薪子若未始異詎論踈與親

卷之十一

九

淨空徒漫漫泥有定悠悠無乘及乘者所謂智人亦  
詐捨負病域不疲生死流無煩君喻馬任以我爲牛  
植福祠迦葉求仁笑孔丘何津不鼓棹何路不摧輪  
念此聞思者胡爲多阻脩空虛花聚散煩惱樹稀稠  
滅想成無記生心坐有求降吳復歸蜀不到莫相尤

九月九日憶山東兄弟

明年十七

獨在異鄉爲異客每逢嘉節倍思親遙知兄弟登高  
處遍插茱萸少一人



華岳

西岳出浮雲積翠在大清連天疑黛色百里遙青真  
白日爲之寒森沈華陰城昔聞乾坤閉造化生巨靈  
右足踏方止左手推削成天地忽開拆大河注東海  
遂爲西峙岳雄雄鎮秦京大君包覆載至德被群生  
上帝佇昭告金天思奉迎人祗望幸又何獨禪云亭  
藍田山石門精舍

落日山水好漾舟信歸風玩竒不覺遠因以緣源窮  
遙愛雲去秀初疑路不同安知清流轉偶與前山通  
捨舟理輕策果然愜所適老僧四五人逍遙蔭松柏  
朝梵林未曙夜禪山更寂道心及牧童世事問樵客  
暝宿長林下焚香卧瑤席澗芳襲衣衣山月映石壁  
再尋畏迷誤明發更登歷笑謝桃源人花紅復來覲

山居秋暝

空山新雨後天氣晚來秋明月松間照清泉石上流  
竹喧歸浣女蓮動下漁舟隨意春芳歇王孫自可留



無可點  
自是好

### 青溪

言入黃花川，每逐青溪水。隨山將萬轉，趣途無百里。  
聲喧亂石中，色靜深松裏。演漾汎菱荇，澄澄映葭葦。  
我心素已閑，清川澹如此。請留盤石上，垂釣將已矣。

### 崔濮陽兄季重前山興

山西去亦對維門

秋色有佳興，況君池上閑。悠悠西林下，自識門前山。

又別又別  
有道之言

千里橫黛色，數峰出雲間。羨我對秦國，合沓

飛荆關。殘雨斜日照，夕嵐飛鳥還。故人今尚爾，  
歎息此顏顏。

### 終南別業

中歲頗好道，晚家南山陲。興來每獨往，勝事空自知。  
行到水窮處，坐看雲起時。偶然值林叟，談笑無還期。

其意如此  
故自難及

### 皇甫岳雲溪雜題

五首

### 鳥鳴磭



人閒桂花落夜靜春山空月出驚山鳥時鳴春澗

蓮花塢

日日採蓮去洲長多暮歸弄篙莫濺水畏濕紅蓮衣

鷓鴣塢

乍向紅蓮沒復出青浦颺可嗚獨立何離樵啣魚古查上

上平田

朝耕上平田暮耕上平田借問問津者寧知沮溺賢

語調  
并高

萍池

春池深且廣首待輕舟迴靡靡綠萍合垂楊掃後

每每靜意  
得之偶然

須溪先生校本唐王右丞集卷第三







